



ZAPISNIK O RADU 10. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 12.10.2021. GODINE

Broj: 01-GV-02-1227/21

Sarajevo, 12.10.2021. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Lajla Ćosović, zamjenica predsjedavajućeg Kluba gradskih vijećnika Stranke demokratske akcije
6. Adi Škaljić, predsjedavajući Kluba gradskih vijećnika Naše stranke
7. Muamer Mekić, predsjedavajući Kluba gradskih vijećnika Socijaldemokratske partije BiH
8. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
9. Enisa Spahić, predsjedavajuća Kluba gradskih vijećnica „Demokratska fronta-Enisa Spahić-Amra Zulfikarpašić“
10. Bajro Biber, predsjedavajući Kluba gradskih vijećnika „USD-BOSS“
11. Jasmin Skorupan, zamjenik predsjedavajućeg Kluba gradskih vijećnika „Korora/Skorupan“
12. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
13. Mila Eminović Rizvanović, sekretar Gradskog vijeća

Sjednici je prisustvovala, po ovlaštenju Gradonačelnice, Aida Bajramović, šef Odsjeka za kabinetske poslove u Stručnoj službi gradonačelnice grada Sarajeva.

Ispred Gradske službe za Gradsko vijeće sjednici su prisustvovala:

- Mirjana Đanović Stanić, rukovodilac Stručne službe Gradskog vijeća Grada Sarajeva
- Zinaida Beširević, šef Odjeljenja za stručne poslove u Stručnij službi Gradskog vijeća Grada Sarajeva

Jasmin Ademović, predsjedavajući Gradskog vijeća, je otvorio sjednicu u 14,30 sati, pozdravio prisutne, te konstatovao kvorum za punovažan rad i odlučivanje.

Na prijedlog Jasmin Ademovića, predsjedavajućeg Gradskog vijeća, Kolegij Gradskog vijeća, bez rasprave, jednoglasno, **usvojilo je** Zapisnik o radu Devete sjednice Kolegija Gradskog vijeća, održane 05.10.2021. godine.

Jasmin Ademović, predsjedavajući Gradskog vijeća, je otvorio raspravu o predloženom dnevnom redu 10. sjednice Kolegija Gradskog vijeća.



Član Kolegija Gradskog vijeća Adi Škaljić je predložio da se razmatranje tačke 1. dnevnog reda - Predlaganje kandidata za članove Odbora za dodjelu „Šestoaprilske nagrade Grada Sarajeva“ za 2022. godinu iz reda istaknutih javnih djelatnika prolongira za narednu sjednicu Kolegija Gradskog vijeća, obzirom da na organima Naše stranke, još nije usaglašen prijedlog kandidata za Odbor, iz reda istaknutih javnih djelatnika.

Jasmin Ademović, predsjedavajući Gradskog vijeća, upoznao je članove Kolegija Gradskog vijeća da se planira održavanje još jedna sjednice Kolegija, u mjesecu oktobru, na kojoj bi se razmatralo Očitovanje Kolegija na utvrđeni Nacrt Programa rada Gradskog vijeća Grada Sarajeva za 2022. godinu, te bi se na istoj sjednici razmatralo i predlaganje kandidata za članove Odbora za dodjelu „Šestoaprilske nagrade Grada Sarajeva“ za 2022. godinu iz reda istaknutih javnih djelatnika.

Na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, jednoglasno, izjasnivši se sa 13 glasova „za“, **usvojio je** dnevni red 10. sjednice Kolegija Gradskog vijeće, tako da glasi:

1. Razmatranje Zahtjeva JP „Olimpiski bazen otoka“ d.o.o. Sarajevo, broj 01-1-971/21 od 05.10.2021. godine
2. Priprema za održavanje Sedme sjednice Gradskog vijeća Grada Sarajeva i Tematske sjednice Gradskog vijeća Grada Sarajeva
3. Razmatranje inicijativa radnih tijela Gradskog vijeća Grada Sarajeva
4. Tekuća pitanja.

Ad1)

Razmatranje Zahtjeva JP „Olimpiski bazen Otoka“ d.o.o. Sarajevo, broj 01-1-971/21 od 05.10.2021. godine

U uvodnim napomenama Jasmin Ademović, predsjedavajući Gradskog vijeća, istako je da je akt - Zahtjev JP „Olimpiski bazen Otoka“ d.o.o. Sarajevo, broj 01-1-971/21 od 05.10.2021. godine za poništenje postupka nabavke „Izvođenja radova na zatvaranju terase bazena Otoka“ upućen gradonačelnici Grada Sarajeva, Gradskom vijeću - predsjedavajućem Gradskog vijeća i predsjedavajućim klubovima gradskih vijećnika, te da Kolegij Gradskog vijeće razmatra Zahtjev, kao prijedlog upućen Gradskom vijeću Grada Sarajeva, u skladu sa Poslovníkom Gradskog vijeća Grada Sarajeva.

U raspravi koja je uslijedila učestovali su članovi Kolegija Gradskog vijeća Toni Vukadin, Seid Škaljić, Dragan Stevanović, zamjenik predsjedavajućeg Gradskog vijeća, Jasmin Skorupan, Jasmin Ademović, predsjedavajući Gradskog vijeća, Srđan Srdić i Adi Škaljić.

Ovlaštena državna službenica Aida Bajramović je upoznala članove Kolegija Gradskog vijeća sa stavom Gradonačelnice, da se u konkretnom slučaju radi o dva odvojena zahtjeva, i to:

- zahtjev za poništenje postupka javne nabavke „Izvođenje radova na zatvaranju terase bazena Otoka“, te
- zahtjev za preraspodjelu sredstva u iznosu od cca 730.000,00 KM.

Istakla je da je stav da se po ovom zahtjevu, u ovom momentu ne mogu zauzimati zvanični stavovi iz sljedećih razloga.

- Prema informacijama nadležne Gradske službe, postupak javne nabavke je proveden, donesena je odluka o izboru najpovoljnijeg ponuđača, s tim što ne postoje saznanja o tome da li je došlo do zaključivanja Ugovora, a što je sljedeća faza predmetnog postupka;
- U konkretnom slučaju sredstva za ove svrhe obezbjeđena su iz sredstva namjenskog kredita od strane Razvojne banke Federacije BiH. Obzirom da su u pitanju namjenska kreditna sredstva, s njima se može raspolagati za namjene za koje su i dodijeljena (projekti).
- Eventualna promjena namjene podrazumjeva pokretanje određenog postupka kod Razvojne banke F BiH.

Nakon rasprave, na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, jednoglasno, izjasnivši se sa 13 glasova "za" **je usvojio Zaključak:**

Kolegij Gradskog vijeća Grada Sarajeva traži od Skupštine JP „Olimpijski bazen Otoka“ d.o.o. Sarajevo da, u svojstvu predlagача, Gradskom vijeću Grada Sarajeva, putem predsjedavajućeg Gradskog vijeća, u što kraćem roku, dostavi Informaciju o činjenicama navedenim u Zahtjevu za poništenje postupka nabavke „izvođenje radova“ na zatvaranju terase bazena Otoka broj 02-1-971/21 od 05.10.2021. godine sa prijedlogom mjera za dalje postupanje, a koja bi se razmatrala na Sedmoj sjednici Gradskog vijeća Grada Sarajeva, koja će se održati 27.10.2021. godine.

Ad2)

Priprema za održavanje Sedme sjednice Gradskog vijeća Grada Sarajeva i Tematske sjednice Gradskog vijeća Grada Sarajeva

Jasmin Ademović, predsjedavajući Gradskog vijeća, upoznao je članove Kolegija Gradskog vijeća da se, u skladu sa zaključcima sa Devete sjednice Kolegija Gradskog vijeća, odvijaju pripreme za održavanje Sedme sjednice Gradskog vijeća, koja će se održati 27.09.2021. godine i Tematske sjednice, koja će se održati 04.11.2021. godine, te je s tim u vezi u toku i održavanje sjednica radnih tijela Gradskog vijeća.

Upoznao je članove Kolegija Gradskog vijeća da će, pored tema najavljenih na Devetoj sjednici Kolegija Gradskog vijeća, biti razmatrani i prijedlozi da se priznanje Plaketa Grada Sarajeva dodijeli prof. Seadu Gološu, posthumno, te Islamu Đugumu.

Pojasnio je da su prijedlozi proizašli iz inicijativa Odbora za dodjelu „Šestoaprilske nagrade Grada Sarajeva“ u 2021. godini, te da se radi o kandidatima za dodjelu „Šestoaprilske nagrade Grada Sarajeva“ kojima nagrada u prošloj godini nije mogla biti dodijeljena.

Jasmin Ademović, predsjedavajući Gradskog vijeća, upoznao je članove Kolegija Gradskog vijeća da će navedeni prijedlozi biti proslijeđeni Komisiji za izbor i imenovanja, kao ovlaštenom predlagачu. Ukoliko Komisija utvrdi prijedloge odluka, u prijedlogu dnevnog reda Sedme sjednice, mogli bi se naći i

1. Prijedlog Odluke o dodjeli priznanja „Plaketa Grada Sarajeva“ (*prof. Sead Gološ*).
2. Prijedlog Odluke o dodjeli priznanja „Plaketa Grada Sarajeva“ (*Islam Đugum*)

te, da, ukoliko Gradsko vijeće usvoji navedene odluke, priznanja bio se dodijelila na ceremoniji u povodu Dana državnosti Bosne i Hercegovine, a što je u skladu s Odlukom o priznanjima i nagradi Grada Sarajeva.

Jasmin Ademović, predsjedavajući Gradskog vijeća, upoznao je članove Kolegija Gradskog vijeća da je Kantonalna organizacije SDP-a Sarajevo uputila prijedlog da se Raif Duraković

razriješi članstva u Odboru za budžet i finansije Gradskog vijeća Grada Sarajeva, a da se u Odbor izabere Namir Čomaga.

Pojasnio je da će navedeni prijedlozi biti proslijeđeni Komisiji za izbor i imenovanja, kao ovlaštenom predlagачu, te ukoliko Komisija utvrdi prijedloge odluka, u prijedlogu dnevnog reda Sedme sjednice Gradskog vijeća bi se mogli naći i

1. Prijedlog Odluke o razrješenju člana radnog tijela Gradskog vijeća Grada Sarajeva (*Raif Duraković*)
2. Prijedlog Odluke o izboru člana radnog tijela Gradskog vijeća Grada Sarajeva (*Namir Čomaga*)

Zatim je istako da je najavljeno i razmatranje:

1. Prijedloga Odluke o razrješenju Pravobranioca Grada Sarajeva i raspoređivanja na mjesto zamjenika pravobranioca, te
2. Prijedloga Odluke o imenovanju pravobranioca Grada Sarajeva

Pojasnio je da se očekuje da će, ukoliko se okonča konkursna procedura u potrebnom roku, Gradonačelnica predložiti i ove dvije odluke.

Jasmin Ademović, predsjedavajući Gradskog vijeća, podsjetio je da je Gradonačelnica najavila razmatranje i sljedećih akata:

- Prijedlog Odluke o podizanju spomen obilježja Kazani *koji još nije dostavljen*, te
- Prijedlog Odluke o imenovanju predsjednika i članova Skupštine JP za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „Sarajevo“ d.o.o. (J.P. „Sarajevo“ d.o.o.), *po hitnom postupku* i
- Prijedlog Odluke o imenovanju predsjednika i članova Skupštine J.P. „Olimpijski bazen Otoka“ d.o.o. Sarajevo, *po hitnom postupku*

Jasmin Ademović, predsjedavajući Gradskog vijeća, upoznao je članove Kolegija Gradskog vijeća sa mogućim prijedlogom dnevnog reda Sedme sjednice Gradskog vijeća, koji će takav biti ukoliko Gradskom vijeću budu upućeni svi najavljeni materijali, a koji bi glasio:

1. Prijedlog Odluke o dodjeli priznanja „Plaketa Grada Sarajeva“ (*prof. Sead Gološ*)
2. Prijedlog Odluke o dodjeli priznanja „Plaketa Grada Sarajeva“ (*Islam Đugum*)
3. Prijedlog Odluke o razrješenju člana Odbora za budžet i finansije Gradskog vijeća Grada Sarajeva (*Raif Duraković*)
4. Prijedlog Odluke o izboru člana Odbora za budžet i finansije Gradskog vijeća Grada Sarajeva (*Namir Čomaga*)
5. Prijedlog Odluke o formiranju Odbora za dodjelu „Šestoaprilske nagrade Grada Sarajeva“ u 2022. godini
6. Prijedloga Odluke o razrješenju Pravobranioca Grada Sarajeva i raspoređivanja na mjesto zamjenika pravobranioca
7. Prijedloga Odluke o imenovanju Pravobranioca Grada Sarajeva
8. Prijedlog Odluke o imenovanju predsjednika i članova Skupštine JP za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „Sarajevo“ d.o.o. (J.P. „Sarajevo“ d.o.o.), (*hitni postupak*)
9. Prijedlog Odluke o imenovanju predsjednika i članova Skupštine J.P. „Olimpijski bazen Otoka“ d.o.o. Sarajevo, (*hitni postupak*)
10. Prijedlog Odluke o podizanju Spomen obilježja Kazani
11. Prijedlog Odluke o davanju saglasnosti za suosnivanje Evropskog ogranka „Gradonačelnika za mir“
12. Prijedlog Odluke o izmjeni Odluke o proceduri, uslovima i standardima imenovanja članova Skupštine javnih preduzeća čiji je osnivač Grad Sarajevo

13. Prijedlog Odluke o davanju saglasnosti za pristupanje sufinansiranju radova sanacije armiranobetonske stropne ploče na zacijevljenom dijelu Bistričkog potoka na dijelu saobraćajnice Hamdije Kreševljakovića i na trolejbusnom stajalištu Trg Austrije
14. Izvještaj o primjeni Odluke o upotrebi grba, imena i isticanju zastave Grada Sarajeva
15. Nacrt Programa rada Gradskog vijeća Grada Sarajeva za 2022. godinu
16. Nacrt Program međunarodne saradnje Grada Sarajeva za 2022. godinu
17. Nacrt Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2022. godinu
18. Informacija o kreditnim zaduženjima
19. Informacija o saradnji i odnosima organa Grada Sarajeva sa vjerskim zajednicama i crkvama
20. Informacija o pitanju i statusu mladih u Gradu Sarajevo
21. Vijećnička pitanja i inicijative

Jasmin Ademović, predsjedavajući Gradskog vijeća, upoznao je članove Kologija da su radna tijela Gradskog vijeća, prilikom razmatranja Nacrt Programa rada Gradskog vijeća Grada Sarajeva za 2022. godinu, iznijela određene primejdbе i prijedloge na Nacrt Programa rada Gradskog vijeća Grada Sarajeva za 2022. godinu, te da će Kolegij Gradskog vijeća održati još jednu sjednicu, kako bi se o navedenim prijedlozima radnih tijela očitovao.

Jasmin Ademović, predsjedavajući Gradskog vijeća, predložio je da se, u skladu sa Poslovníkom Gradskog vijeća Grada Sarajeva, Tematske sjednica, koja bi se trebala održati u četvrtak 04.11.2021. godine preimenuje u Osmu, redovnu, sjednica Gradskog vijeća Grada Sarajeva.

Dodatana pojašnjenja dala je Mila Eminović Rizvanović, sekretar Gradskog vijeća.

Članovi Kolegija Gradskog vijeća su se saglasili sa prijedlogom Predsjedavajućeg Gradskog vijeća.

Ovlaštena državna službenica Aida Bajramović je istakla da je potrebno, kroz najavu sjednice istaći da će Osmo sjednica Gradskog vijeća Grada Sarajeva biti posvećena, isključivo, investicijama i projektima Grada Sarajeva.

Jasmin Ademović, predsjedavajući Gradskog vijeća je istako da bi se na Osmoj sjednica Gradskog vijeća Grada Sarajeva, a koja bi se održala 04.11.2021. godine trebali razmatrati sljedeći materijali:

1. Prijedlog Odluke o preuzimanju i održavanju Spomen parka Vraca
2. Prijedlog Odluke o uslovima i načinu korištenja i davanja u zakup poslovnog objekta „Vidikovac“
3. Prijedlog Odluke o uslovima i načinu korištenja i davanja u zakup dijela objekta Željeznička stanica Bistrik
4. Prijedlog Odluke o davanju saglasnosti za potpisivanje sporazuma sa KJKP “Rad” d.o.o. Sarajevo o finansiranju, nabavci i postavljanju korpi za sitni ulični otpad za potrebe četiri gradske općine
5. Prijedlog Odluke o davanju saglasnosti za pokretanje procedure realizacije projekta postavljanja dva (2) jarbola sa zastavama BiH i Grada Sarajeva na ulazu u Grad Sarajevo – Istočni ulaz
6. Informacija o realizaciji Sporazuma o regulisanju međusobnih prava i obaveza na realizaciji hitne sanacije armiranobetonske stropne ploče na zacijevljenom dijelu Bistričkog potoka na okretnici Trg Austrije
7. Informacija o realizaciji Sporazuma o sufinansiranju radova na opremanju objekta Evropske kuće kulture i nacionalnih manjina bivše Austrijske kuće

8. Informacija o realizaciji Sporazuma o sufinansiranju radova - most Festina Lente
9. Informacija o statusu muzejskog prostora u Vijećnici sa prijedlogom zaključka
10. Informacija o statusu kompleksa Bob i sankaske staze sa pratećim objektima i potrebnim aktivnostima u postupku obnove
11. Informacija o poduzetim aktivnostima na sanaciji, restauraciji i kolorističkoj obnovi fasade objekta „Gospođicina kuća“
12. Informacija o na sanaciji mosta Ars Aevi i stvaranje pretpostavke za njegov poduzetim aktivnostima trajno održavanje, uključujući videonadzor
13. Vijećnička pitanja i inicijative

Jasmin Ademović, predsjedavajući Gradskog vijeća, istako je da se na Osmoj sjednici Gradskog vijeća neće razmatrati Zapisnik o radu Sedme sjednice Gradskog vijeća jer neće biti spreman, pa će se na Devetoj sjednici Gradskog vijeća razmatrati zapisnici sa Sedme i sa Osme sjednice Gradskog vijeća Grada Sarajeva.

Član Kolegija Srđan Srđić, ponovno, je postavio pitanje vezano za sastav Komisije za izbor i imenovanja Gradskog vijeća.

Usljedila je rasprava o sastavu Komisije za izbor i imenovanje Gradskog vijeća Grada Sarajeva, u kojoj su učestvovali članovi Kolegija Gradskog vijeća Toni Vukadin, Mirela Džehverović, zamjenica predsjedavajućeg Gradskog vijeća, Srđan Srđić i Seid Škaljić, a dodatna pojašnjenja dala je Mila Eminović Rizvanović, sekretar Gradskog vijeća.

Jasmin Ademović, predsjedavajući Gradskog vijeća, predložio je da klubovi gradskih vijećnika upute Predsjedavajućem Gradskog vijeća prijedloge za razrješenja i izbor u Komisiju za izbor i imenovanja Gradskog vijeća Grada Sarajeva, a koji će biti prosljeđeni Komisiji za izbor i imenovanja.

Članovi Kolegija Muamer Mekić i Jasmin Skorupan napustili su sjednicu Kolegija Gradskog vijeća u 15 i 25 sati, radi ranije preuzetih obaveza.

Dragan Stevanović, zamjenik predsjedavajućeg Gradskog vijeća, predložio je zaključak da rukovodstvo Gradskog vijeća i predsjedavajući klubova gradskih vijećnika u Gradskom vijeću Grada Sarajeva sa Gradonačelnicom obidu sve objekte o kojima će Gradsko vijeće voditi raspravu na Osmoj sjednici, koja će se održati 04.11.2021. godine, a prije održavanja ove sjednice.

Nakon rasprave, na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, jednoglasno, izjasnivši se sa 11 glasova “za“ **je usvojio Zaključak:**

Kolegij Gradskog vijeća Grada Sarajeva traži od gradonačelnice Grada Sarajeva da zajedno sa rukovodstvom Gradskog vijeća i predsjedavajućim klubova gradskih vijećnika u Gradskom vijeću Grada Sarajeva, organizuje obilazak svih objekata o kojima će Gradsko vijeće voditi raspravu na Osmoj sjednici Gradskog vijeća koja će se održati 04.11.2021. godine, koja će biti posvećena projektima i investicijama Grada Sarajeva, a prije održavanja Osme sjednice Gradskog vijeća Grada.

Ad3)

Razmatranje inicijative radnog tijela Gradskog vijeća Grada Sarajeva

U raspravi o inicijativi Odbora za javne službe, infrastrukturu i javni saobraćaj, koji predlaže Kolegiju Gradskog vijeća da se hitno planira Tematska sjednica Gradskog vijeća Grada Sarajeva na temu sigurnosti putnika u javnom saobraćaju, a na koju bi bili pozvani pored gradskih vijećnika i predstavnici radnih tijela, resornog ministarstva saobraćaja Kantona

Sarajevo, predstavnici javnog prevoza, privatni prevoznici, taksisti i nadležni iz oblasti zdravstva - resorno Ministarstvo zdravlja Kantona Sarajevo i Zavod za javno zdravstvo Kantona Sarajevo, učestvovali su članovi Kogija Gradskog vijeća Toni Vukadin, Dragan Stevanović, zamjenik predsjedavajućeg Gradskog vijeća, Seid Škaljić i Srđan Srdić. Dodatna pojašnjenja dala je Mila Eminović Rizvanović, sekretar Gradskog vijeća.

Iz rasprave o navedenoj inicijativi nisu proistekli zaključci.

Ad4)

Tekuća pitanja

Po ovoj tački dnevnog reda nije vođena rasprava.

Jasmin Ademović, predsjedavajući Gradskog vijeća je zaključio sjednicu Kogija Gradskog vijeća u 15,36 h.

SEKRETAR GRADSKOG VIJEĆA

Mila Eminović Rizvanović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.